



Ciorclán 0061/2020

**Chuig: Údaráis Bhainistíochta Bunscoileanna, Meánscoileanna, Pobalscoileanna,
agus Scoileanna Cuimsitheacha Aitheanta
agus chuig
Príomhfheidhmeannaigh na mBord Oideachais agus Oiliúna**

ATHBHREITHNIÚ AR THUARASTAIL MAIDIR LE CÚNTÓIRÍ RIACHTANAS

SPEISIALTA (CRSanna) LE hÉIFEACHT ÓN 1 DEIREADH FÓMHAIR 2020

1. Is mian leis an Aire Oideachais agus Scileanna údaráis bhainistíochta agus CRSanna a chur ar an eolas faoi chur i bhfeidhm rátaí athbhreithnithe tuarastail le héifeacht ón 1 Deireadh Fómhair 2020
2. Tugadh isteach na rátaí tuarastail athbhreithnithe mar thoradh ar Chomhaontú Cobhsaíochta na Seirbhíse Poiblí 2013 – 2020 agus Acht Pá agus Pinsean na Seirbhíse Poiblí 2017.

Méaduithe Tuarastail le héifeacht ón 1 Deireadh Fómhair 2020

3. Tuarastail bhliantúla le méadú 2% le héifeacht ón 1 Deireadh Fómhair 2020.
4. Faoi iamh in Aguisín 1 tá na scálaí tuarastail athbhreithnithe a chuireann na méaduithe sin chun feidhme agus a mbeidh éifeacht leo ón 1 Deireadh Fómhair 2020.
5. Faoi iamh in Aguisín 2 tá na rátaí ócáideacha athbhreithnithe in aghaidh na huaire do CRSanna a mbeidh éifeacht leo ón 1 Deireadh Fómhair 2020.
6. Cuirtear téarmaí an Chiorcláin seo in ionad gach scála tuarastail agus ráta ócáideach in aghaidh na huaire atá infoctha le CRSanna atá leagtha amach i gCiorcláin roimhe seo agus beidh éifeacht leo ón 1 Deireadh Fómhair 2020.

Rialuithe Feabhsaithe maidir le Téarmaí agus Coinníollacha Fostaíochta Comhaontaithe le héifeacht ón 30 Samhain 2015

7. Meabhraítear d'fhostóirí gur leasaíodh an tAcht Airí agus Rúnaithe (Leasú) 2011 faoin Acht um Bearta Airgeadais Éigeandála ar Mhaithe le Leas an Phobail (FEMPI) 2015 chun rialuithe feabhsaithe a thabhairt isteach maidir le téarmaí agus coinníollacha fostaíochta a comhaontaíodh idir seirbhísigh phoiblí agus fostóirí a gcomhlachtaí seirbhíse poiblí le héifeacht ón 30 Samhain 2015. Tá na codanna ábhartha den Acht san áireamh in Aguisín 3. Déileálfar le ró-íocaíochtaí de réir na nósanna imeachta atá leagtha amach i gCiorcláin

0084/2015 nó 0032/2016 do bhaill foirne atá fostaithe ag BOOanna.

Cúrsaíocht agus Ceisteanna

8. Cinntigh, le do thoil, go gcuirfear cóipeanna den chiorclán seo ar fáil do gach comhalta den Bhord Bainistíochta/de na Boird Oideachais agus Oiliúna agus go ndíreofar aird na CRSanna go léir atá fostaithe agat ar a bhfuil ann, lena n-áirítear iad siúd a bhfuil cead neamhláithreachta acu.
9. Féadfar rochtain a fháil ar an gCiorclán seo ar láithreán gréasáin na Roinne faoi www.education.ie
10. Ba cheart fiosrúcháin maidir leis an gCiorclán seo a sheoladh ar ríomhphost chuig: NTSPayroll@education.gov.ie

Padraig Maloney
Príomhoifigeach
An Rannóg Párolla
16 Meán Fómhair 2020

Aquisín 1

Cúntóirí Riachtanas Speisialta		
	Iontrálaithe roimh an 1 Eanáir 2011 1/10/2020	Iontrálaithe tar éis an 1 Eanáir 2011 1/10/2020
Cúntóir Riachtanas Speisialta (Cúram Leanai)	€ 26,616	€ 24,602
	€ 27,425	€ 26,218
	€ 28,603	€ 26,616
	€ 29,785	€ 27,425
	€ 30,969	€ 28,603
	€ 31,826	€ 29,785
	€ 32,799	€ 30,969
	€ 33,926	€ 31,826
	€ 34,726	€ 32,799
	€ 35,845	€ 33,926
	€ 36,969	€ 34,726
	€ 39,087	€ 35,845
		€ 36,969
		€ 39,087
• Incrimint seirbhíse fada	€ 40,590	€ 40,590

* tar éis tréimhse 3 bliana de sheirbhís shásúil ag an méid uasta

Aquisín 2

RÁTAÍ PÁ IN AGHAIDH NA hUAIRE DO CRSanna ÓCÁIDEACHA:

Stádas an Ionadaí CRS	Ráta Leanúnach ón 1/10/2020	Luach na Saoire Bliantúla Reachtúla carntha in aghaidh na huaire a oibrítear ón 1/10/2020
CRSanna a ceapadh ar nó roimh an 31 Nollaig 2010	€ 14.66	€1.28
CRSanna a ceapadh ar nó i ndiaidh an 1 Eanáir 2011	€ 13.55	€1.18

AGUISÍN 3

Alt 12 den Acht um Bearta Éigeandála Airgeadais ar mhaithe le Leas an Phobail 2015

Leasú ar an Acht Airí agus Rúnaithe (Leasú) 2011

Leasaítear an tAcht Airí agus Rúnaithe (Leasú) 2011 tríd an alt a leanas a chur isteach i ndiaidh alt 16:

“Téarmaí agus coinníollacha seirbhíseach poiblí a rialú

16A. (1) Más rud é—

(a) go bhfuil téarma nó coinníoll ceadaithe ag an Aire mar théarma nó mar choinníoll a mbeidh feidhm aige de thuras na huaire maidir le haicme nó le catagóir seirbhíseach poiblí a fhostú (cibé acu an formheas mar sin atá i gceist leis an gceadú sin, aon chineál ceadaithe eile nó toiliú an Aire a thabhairt do chinneadh duine eile maidir leis an ábhar), agus

(b) go ndéantar Conradh fostaíochta maidir le seirbhíseach poiblí a thagann faoin aicme nó faoin gcatagóir sin ina bhfuil téarma nó coinníoll a chomhfhreagraíonn don téarma nó don choinníoll atá ceadaithe amhlaidh ach atá níos fabhraí don seirbhíseach poiblí ná an téarma nó an coinníoll sin,

beidh éifeacht leis an gconradh ionann is dá gcuirfí an téarma nó an coinníoll a bheidh ceadaithe amhlaidh (dá dtagraítear i bhfo-ailt (2) agus (3) mar an ‘téarma nó an coinníoll ceadaithe’ in ionad an chéad téarma nó an choinníoll a luaitear i mír (b). (dá dtagraítear i bhfo-ailt (2) agus (3) mar an ‘téarma nó coinníoll neamhceadaithe’).

(2) Tabharfar neamhaird ar aon mhéid a íocfar leis an seirbhíseach poiblí lena mbaineann i gcomhlíonadh airbheartaithe leis an téarma nó leis an gcoinníoll neamhceadaithe ar mó é ná an méid is iníoctha leis an seirbhíseach poiblí faoin téarma nó faoin gcoinníoll ceadaithe chun críche aon teidlíocht pinsin a ríomh (lena n-áirítear teidlíocht ar chnapshuim agus teidlíocht d’íocaíochtaí tréimhsiúla pinsin) maidir leis an seirbhíseach poiblí sin.

(3) I gcás ina n-íocfar méid leis an seirbhíseach poiblí lena mbaineann i gcomhlíonadh airbheartaithe leis an téarma nó leis an gcoinníoll neamhceadaithe atá níos mó ná an méid is iníoctha leis an seirbhíseach poiblí faoin téarma nó faoin gcoinníoll ceadaithe ansin—

(a) beidh an ró-íocaíocht ar teachtadh ar iontaobhas ag an seirbhíseach poiblí don chomhlacht seirbhíseach poiblí, agus

(b) déanfaidh an comhlacht seirbhíseach poiblí méid na ró-íocaíochta a ghnóthú ón seirbhíseach poiblí, go díreach nó trí asbhaint as luach saothair is iníoctha ina dhiaidh sin leis an seirbhíseach poiblí sin nó ar shlí eile.

(4) Más rud é—

(a) go ndéantar Conradh fostaíochta i leith seirbhíseach poiblí, agus

(b) go bhfuil téarma nó coinníoll sa chonradh i ndáil le luach saothair nach gcomhfhreagraíonn nó nach ionann é agus aon téarma nó coinníoll a bheidh ceadaithe ag an Aire i leith aicme nó catagóire seirbhíseach poiblí a fhostú faoina dtagann an chéad seirbhíseach poiblí a luaitear (cibé acu an formheas mar sin atá i gceist leis an gceadú sin, aon chineál ceadaithe eile nó toiliú an Aire a thabhairt do chinneadh duine eile maidir leis an ábhar), beidh an téarma nó an coinníoll ar neamhní.

(5) Tabharfar neamhaird ar aon mhéid a íocfar leis an seirbhíseach poiblí lena mbaineann i gcomhlíonadh airbheartaithe téarma nó coinníll a cuireadh ar neamhní faoi fho-alt (4) chun críche aon teidlíocht pinsin a ríomh (lena n-áirítear teidlíocht ar chnapshuim agus teideal chun íocaíochtaí tréimhsiúla pinsin) maidir leis an seirbhíseach poiblí sin.

(6) I gcás ina n-íocfar méid leis an seirbhíseach poiblí lena mbaineann i gcomhlíonadh airbheartaithe le téarma nó coinníoll a cuireadh ar neamhní faoi fho-alt (4) ansin—

(a) beidh an méid sin in iontaobhas ag an seirbhíseach poiblí don chomhlacht seirbhíse poiblí, agus

(b) déanfaidh an comhlacht seirbhíse poiblí an méid a ghnóthú ón seirbhíseach poiblí, go díreach nó trí asbhaint as luach saothair is iníoctha ina dhiaidh sin leis an seirbhíseach poiblí sin nó ar shlí eile.

(7) Ní mheasfar go bhfuil fo-ailt (3) agus (6) ag srianadh an dliteanais faoi reacht aon duine mar gheall ar an ró-íocaíocht sin.

(8) I gcás nach mbeidh méid lena mbaineann fo-alt (3) nó (6) gnóthaithe ag an gcomhlacht seirbhíse poiblí lena mbaineann, féadfaidh an tAire a ordú i scríbhinn don chomhlacht sin an méid a ghnóthú de réir fho-alt (3)(b) nó (6)(b), faoi dháta sonraithe, de réir mar is cuí, agus, i gcás go mainneoidh an comhlacht sin an méid a ghnóthú amhlaidh, féadfaidh an tAire an méid a asbhaint as aon deontas nó vóta de chuid an chomhlachta sin, nó as aon íocaíocht eile leis, as airgead arna sholáthar go díreach nó go neamhdhíreach ag an Oireachtas nó as an bPríomh-Chiste nó as toradh fáis an Chiste sin.

(9) Tá feidhm ag an alt seo maidir le téarma nó coinníoll arna chomhaontú tar éis thosach feidhme alt 12 den Acht um Bearta Éigeandála Airgeadais ar mhaithe le Leas an Phobail 2015.

(10) Tá éifeacht leis an alt seo d'ainneoin—

(a) aon achtachán eile,

(b) aon scéim nó socrú pinsin,

(c) aon chomhaontú nó socrú conarthach eile, nó

(d) aon tuiscint, ionchas, ciorclán nó ionstraim nó doiciméad eile.

(11) San alt seo—

Ciallaíonn “seirbhíseach poiblí” duine atá fostaithe ag comhlacht seirbhíse poiblí, nó atá i seilbh aon oifige nó poist eile;

Ciallaíonn “luach saothair” díolaíochtaí lena mbaineann Caibidil 4 de Chuid 42 den Acht Comhdhlúite Cánacha, 1997 nó a gcuirtear Caibidil 4 chun feidhme maidir leo”.